

# I CANKAMA CAKWA LESA

UKUSOKOLOLA 10:7



# IFILI MUKATI

Ifili Mukati

2 I Capulamo

8 Ubupingushi

12 I Shina

16 Umweo Panuma

22 Ulubembu Lwapa Kubala

28 U Bushiku Bwa Kutinya  
Ubwakwa Shikulu

34 I Cebo

[www.imbila.net](http://www.imbila.net)

nangu

VOICE OF GOD RECORDINGS  
ZAMBIA OFFICE  
PO Box 36921  
LUSAKA, ZAMBIA

BUSHE LESA ACILI ALECITA IMILIMO  
IIKALAMBA NGA FINTU A CITILE MU  
BAIBELE?

BUSHE MWALITALA AMU IPUSHA  
MULANDUNSHI IMWE MULEKABILWA  
UKUBATISHIWA?

PANTU FYE IMWE MULI BA MEMBALA BA  
LUKUTA, BUSHE ICO CILEPILIBULA UKUTI  
IMWE MWALI PUSUSHIWA?

CINSHI I CINECINE CA CITIKE PAKATI KA  
NSOKA NA EFA MWI BALA LYA EDENI?

BUSHE MWALISHIBA BAIBELE YA  
LAYA UKUTI ICANKAMA CAKWA LESA  
CIKA FISHIWAPO MULI ISHI INSHIKU  
SHAKULEKELESHA?

NAIFIKA INSHITA YA FYANKAMA UKU  
KAKULWA NO KU SOKOLOLWA KWI  
SONDE.

**BUSHE MULI ABAKABILA UKUMFWA  
I CEBO CACINE I CA KWA LESA?**

Lelo mu nshiku she shiwi lyakwa malaika uwalenga  
cinelubali, ilyo alaswa alishemo, elyo cikafishwapo  
ica **nkama** cakwa Lesa, ifyo alandile bwino bwino ku  
basha bakwe bakasesema. UKUSOKOLOLA 10:7

**YOHANE 14:12**

*NDEMWEBE CINE, CINE, NATI,  
UUNTETEKELA, IMILIMO IYO INE  
NCITA NA O AKACITA; KABILI  
AKACITA IMILIMO IYACILAPO PALI  
IYI; ICO INE NDEYA KULI TATA.*

**MARKO 16:17-18**

*NE FISHIBILO IFI FIKAKONKA ABACETEKELA; MWI SHINA LYANDI  
BAKATAMFISHAMO IFIWA; BAKALANDILA MUNDIMI SHIMBI;  
BAEKATE NSOKA; KABILI NGA BANWE CA BWANGA, TACAKABACITE  
AKABI; BAKABIKE NDUPI SHABO PA BALWELE, NABO BAKABA  
ABATUNTULU.*

Ifwe bonse kuti twa pilibula amabula ya Baibele no kumona ukuti Lesa alacita ifisungusho: Mose a akenye Bemba Wakashika, Eliya aitile icipowe, Yesu aendele pa menshi, na basambi baundepe abalwele.

Kwaba amakana na makana aya fisungusho fya citike ifya lembwa mu Baibele. Nga cakuti Lesa ala bela ubunte *ku fishibilo ne fisungusho*, kanshi fili kwi ifisungusho Fyakwe ilelo? Bushe kuti A undapa kansa ngafintu A undepe ifibashi mu Baibele? Nga palwa AIDS nangu malaria? Bushe Wene kuti na kabili acita icisungusho? Ee, Lesa acili alacita ifisungusho kabili *ifi ifishibilo fikakonka abo aba cetekela*.


*Nomba, lolesheni mwe fibusa, tontonkanyeni pa Mfumu George iya ku Mangalande, ilyo wene aundepwe kuli matipo skelelосisi, ilyo twakwete ipepo pali wene. Tontonkanyeni pali Florence Nightingale, (nakulu, uwa tendeke Red Cross), wene afinine pepi na mapaundi amakumi mutanda, ali nalala alefwa kuli kansa wa mu bula, nalala palya alefwa. I nkunda inono ya pupukile mu cimpusa mulya kabili no Mupashi wakwa Lesa waishile no kutila, "EFYA SOSA SHIKULU, wene ali no kuba no mweo." Kabili wene nomba afina amapaundi umwanda na makumi yasano na yasano ubumi ubwapwililika.*

*Tontonkanyeni palwa kwa Congressman Upshaw uwaleikala mu fipuna na mubusanshi umwaka no mwaka, pa myaka amakumi mutanda na mutanda. Kabili pali ako kene kashita aiminine pa nkasa shakwe, alabutuka mu cikulwa, aikete ifikondo fyakwe, kabili alengelwe ukuba fye bwino bwino kabili umutuntulu.*

*Tontonkanyeni fye pa makana na makana ya bantu abo aba undapwa. Cinshi ifwe tunge kalila pano mpaka ukufwa? Natu citepo cimo pali cene.*

Kwateni cicetekelo nga cakuti imwe namulwala nangu muli aba kabila. Baibele yatila ukuti *Yesu Kristu umo wine ubwa mailo, ne lelo, no muyayaya*, eico nga cakuti Wene alicitile icisungusho imyaka amakana yabili ayapitapo, kanshi Wene kuti acita cimo cine ilelo. A tulaile ukuti twalyundapwa, nga cakuti kuti *twacetekela fye*.


William D. Upshaw abombele imyaka amakumi cine konsekanse mu United States House of Representatives kabili aiminine pakusala kwa bu kateka mu 1932. Ubusanso bwa mu kulima bwa lengele ifilundwa fyakwe ukutalala ukutula ku bwaice, kabili aikele imyaka 66 mufya kwendelako nangu mu cipuna ca mipeto. Mu 1951, wene alyundepwe umupwilapo kabili aleenda bwinobwino mu bumi bwakwe bonse ubwashele.




Florence Nightingale, uwacilupwa ca patali uwa kwa nashi waishibikwa, akwete ubulwele bwa kansa ubwa mu mala ubwa kutwala ku mfwa. Wene atumine ici cikope ngo kulomba kwa ku lekelesha lintu kansa taila senda umweo wakwe. Nga fintu imwe mulemona, wene afikile pa cifulo ca mfwa libe Shikulu Yesu talamundapa mu 1950. Icikope cikonkelepo casendelwe panuma yaku ndapwa kwakwe no kutumwa ngo bunte ukuti Lesa acili alondapa abalwele.



Tris Griffin aile kwi ofeshi lyakwa shing'anga ku kutampa kwa 2013 ku mulandu wa ku kalipwa kwa musana untu wene atontonkenye uku bwekeshapo kwa bulwele bwakwe na kansa. MRI yalangile "ukufyendenkana kwa mushipa" mu mutima wakwe, icalengele ba shing'anga ukutwalilila ukupima no ku teyanya uku lepulwa bwangu bwangu ubushiku bwa konkelepo. U mushilwa u upulile mu mutima mu cikope cile langafye bwino akamfyendenkanya icinga pilibula ukuti imfwa bwangu bwangu kuti yaba nga cakuti wa lepwike.



Ubushiku bwa konkelepo, panuma yaba cetekela uku mu pepelela, ba shing'anga ba citile nacimbi icikope ca CT ku kushininkisha pa cifulo ca kamfyendenkanya lintu tabala lepula. Uyu muku, ifikope fya langile umutima wa bumi busuma ubwapwililika. Mukusunguka, shing'anga aebele Mrs. Griffin, "Ine nshishibe ifyakuti nkwebe. Iwe wakwete akamfyendenkanya mu mushipa, lelo nomba ifishibilo fyonse tapali." Wene alangile umwanakashi ifikope intanshi yepopo, elyo na panuma. "Iwe uli muntungwa ukuya, nakuba, tapali nangu cishibilo ca kansa. Iwe uli mu bumi ubwapwililika."



(ku kuso) U mufwi wakwa shing'anga ule sonta ku mushipa, icili icafitulukila, incende iyashinguluka pakati ka cikope. U mushilwa ucilingenye pakati ka ciko e ukunaka, nangu "ukufyendenkana" kwa mushipa, uku lefwaikwa ukulepula bwangu bwangu elyo nimfwa nga cakuti walepuka. (pa mulu) I cikope ca cibili ca sendelwe ubushiku bwakonkelepo. Ukufyendenkana kwali fuminepo konse kabili takwabala akubwelelapo.

## Ifyakuloshako

AMALUMBO 103:2-3

We mutima wandi, cindika SHIKULU, kabili wilaba fya kutesa fya kwe fyonse: **Ulukelela amampiulu yobe yonse; euposha amalwele yobe yonse;**

ESAYA 53:5

Lelo alashilwe pa fya bupulumushi fyesu, kabili afwantilwe pa mampulu yesu: ukulimuna ukwa kutumwenamo ubutuntulu kwaponene pali wene; **na mu fipumo fya kwe e mwaishilo ukupola kuli ifwe.**

MARKO 16:17

**Ne fishibilo ifi fikakonka abatetekela; Mwishina lyandi bakatamfishamo ifiwa; bakalandila mu ndimi shimbi;**

LUKA 17:6

Awe Shikulu atile, **Amuba ne cicetekelo ngo luseke lwa lubanga, nga mwaeba uyu mukunyu Amuti 'nukuka, ulimbike na muli bemba; na o nga wamuunfwa.**

YOHANE 14:12

Ndemwebe cine, cine, Nati, **Uuntetekela, imilimo iyo Ine ncita na o akacita; kabili akacita imilimo iyacilapo pali iyi; ico Ine ndeya kuli Tata.**

I ABENA TESALONIKA 1:5

Ico imbila nsuma yesu tayafikile kuli imwe mu nsoso yeka, **Ielo na mu maka, kabili mu Mupashi wa Mushilo, kabili mu kusubila kwine kwine; filya fine mwaishibo musango uo twabelelemo muli imwe pa mulandu wa imwe.**

ABAHEBERE 2:3-4

Ifwe tukapusuka shani, nga tatusakamene ipusukilo ilyakule fi; ilya balilepo ukulanda Shikulu, kabili lya ikashiwe kuli ifwe ku ba muunfwile;

**Lesana o aleshimikako ubunte, ku fishibilo naku fipapwa, ne fisingusho ifya misango misango, naku fya kaniko fya Mupashi wa Mushilo, umo afwaile umwine?**

ABAHEBERE 13:8

Yesu Kristu nifyo fine mailo, na lelo, na ku nshita sha muyayaya.

YAKOBO 5:15

**Ne pepo lya citetekelo lika pususho mulwele, na Shikulu aka mubuusha; kabili imemba isho acita, shika lekelelwa kuli wene.**

I PETRO 2:24

Wene asendele imemba shesu umwine mu mubili wakwe pa cimuti, ukuti ifwe, abali abafwa lubali ku lubemba, tube aba mweo lubali ku bulungami: **ni ku filaso fya kwe e ko mwaposhiwe.**

# UBUPINGUSHI

AMALUMBO 96:13

KU CINSO CA KWA SHIKULU:

PANTU NAISA, KU KUPINGULA

ABA PANO ISONDE: AKAPINGULA

ABA PANO NSE MU BULUNGAMI,

NA BANTU MU CISHINKA CAKWE.

Kuli a makana na makana ya filonganino ifya pusana pusana mwi sonde ilelo. Cila mipepele ila seka i ibiye, lelo bonse balaya ipusukilo ukupitila mu cilonganino cabo. Kuti twaishiba shani nicilikwi icaku salapo?

Ngacakuti twa sala ulukuta lwa Katolika, ninshi ifwe twa sumina *ukupepa ukupitila mu baashila*, ici shicilile pa kupepa ku tumilungu. Baibele yatila, *"Pantu kuli Lesa umo, kabili kawikishanya umo pakati kakwa Lesa na bantu, umuntu Kristu Yesu;"* (I Tim 2:5). Shimapepo etwa "Tata" ico ica bindilwe kuli Yesu muli Mateo 23:9: *"Kabili mwi ita uwa pano isonde tata: pantu Shinwe umo, uwa mu muulu."* Ba Assemblies Of God batweba ukuti ukulandila mu ndimi e cishibilo ca ku balilapo

ica Mupashi wa Mushilo, ilyo Paulo atile, *"Nelyo Ine ningalandila mundimi sha bantu ne sha ba malaika, elyo nshikwete citemwiko, naba ica safwali icilelila, napamo amalimba ya nyenjele."* (I Kor 13:1)

Pepi ne filonganino fyonse balangukilwa uku tweba ukuti ifintu ifingi mu Baibele tafya londololwa bwino, fyalubile mu kwalula, nangu tafibomba mwi sonde lye lelo. Kanshi, bushe tufwile twa cetekela Baibele nangu a masambilisho ya cilonganino? Bushe cinshi cintu Lesa akabomfya nge cipimo ku bupingushi?

*Nga cakuti Ine naipwishe ba Katolika kuno muno bushiku, "Bushe imwe muletontonkanya cinshi cintu Lesa akapingwilako isonde?" Ba Katolika batila, "Kupitila mu Lukuta lwa Katolika." Cisuma, nomba Ulukuta Katolika nshi? Nomba bene balikwata ulwa ci Roma, ba Greek Orthodox, na bengi muli bene. Lukuta lwa Katolika nshi ulu kaba? Abena Luther batila, "Kupitila muli ifwe," kanshi imwe ba Baptisti muli kunse. Elyo kabili nga cakuti twa tila, "Kupitila muli ba Baptisti," ninshi imwe ba Pentecosti muli kunse. Eico kuti kwaba i icimfulunganya icakuti, takuli nangu umo u ungeshiba ifya kucita; eico Wene tabalile alaya uku pingula isonde ukupitila mu lukuta.*

*Wene alaile ukupingula isonde ukupitila muli Kristu, kabili Kristu e Cebo. Kabili Baibele e ika pingula isonde, iili ni Yesu Kristu umowine mailo, ilelo, no muyayaya.*

## Ifyakuloshako

YOHANE 1:1

*Mukutendeka mwali Cebo, kabili Cebo ali pamo na Lesa, kabili Cebo ali ni Lesa.*

YOHANE 1:14

*Kabili Cebo aishile bo butunse, nokwikala muli ifwe (kabili twaloleshe ubukata bwakwe, ubukata ngo bwa wafyalwa eka kuli Wishi,) uwaisulamo ukusenamina ne cine.*

YOHANE 5:22

*Pantu na Wishi tapingula umuntu nangu umo, lelo ubupingushi bonse napeelo Mwana:*

YOHANE 12:48

*Luusuula, no kukana pokelele fyebo fyandi, ali no ulemupingula: icebo Nasosele, e cika mupingula mu bushiku bwa kulekelesha.*

ABENA EFESE 1:5-7

*Atulingiile kabela mu kutemwa ku kuba abana ba mwine muli Yesu Kristu, umwabela ukubekwa kwa ku panga kwakwe,*

*Ku kutashiwo bukata bwa ku senamina kwakwe, uko atusenamiine mu watemwikwa.*

*Muli uyo twabela no ku lubuka mu mulopa wakwe, uku lekelelwa kwa mampulu yesu, umwabela ubucindami bwa kusenamina kwakwe;*

ABENA EFESE 2:5-8

*Kabili ifwe pa kuba abafwa mu mampuuulu, atulengele aba mweo pamo na Kristu, (niku ku senemina mwa pusukila;)*

*Kabili atubuushishe pamo, no ku twikalika pamo nankwe mu myulu muli Kristu Yesu:*

*Ukuti akalange mu nshita sha nkulo ishi kesa ubucindami bwa kusenamina kwakwe mu kutubele congwe muli Kristu Yesu.*

*Pantu ni kuku senamina mwa pusukila pa kutetekela; kabili te cintu cafuma kuli imwe: ca bupe cakwa Lesa:*

I YOHANE 1:7

*Lelo nga twenda mu lubuuto, ifyo wene ali mu lubuuto, tuli ne senge umo umo no mubiye, no mulopa wa kwa Yesu Kristu Umwana wakwe utusangulula ku lubembu lonse.*

UKUSOKOLOLA 22:18-19

*Nde soka umuntu onse ule umfwa ifyebo fya ku sesema kwe buku ili, Ndeti ngo muntu alundapo pali ifyo, Lesa akalundapo pali wene ifinkunka ifyalembwa mwi buku ili:*

*Kabili ngo muntu afumyapo ifyebo fya mwi buku lya kusesema uku, Lesa akafumye cakaniko cakwe ica pa muti wa mweo, ne ca mu musumba wa mushilo, ifilembelwe mwi buku ili.*



# I Shina SHINA

MARKO 16:16

*UWATETEKELA NO  
KUBATISHIWA AKAPUSUKA; LELO  
UUSHITETEKELA AKASEKWA.*

**IMILIMO YA BATUMWA 2:38**

AWE PETRO ATILE KULI BENE, LAPILENI, NO KUBATISHIWA  
ONSE UWA MULI IMWE MWI SHINA LYA KWA YESU KRISTU KU  
KULEKELELWE MEMBU SHENU, ELYO MUKAPOKELELE CA BUPE  
UMUPASHI WA MUSHILO.

Ukwabula ukutwishika, ulubatisho lukankala nganshi, lelo  
bushe cili no mulandu *fintu* ifwe twa batishiwe? Bushe  
kwaliba ulubatisho ulwa lungama, nangu bushe icili conse  
kuti cabomba? Nga cakuti imwe mwali cetekela Baibele,  
lyene EE, kuli ulubatisho ulwa lungama.

Inkuta ishingwi shi batisha mwi Shina lyakwa Tata, Mwana,  
na Mupashi wa Mushilo, lelo ici tacalungama ukulingana  
na Baibele.

Mu Imilimo Ya Batumwa 19, kwali abantu bamo abali na  
bacetekela kale muli Yesu Kristu, lelo bali tabala pokelela u  
Mupashi wa Mushilo mu mitima yabo. U mutumwa Paulo  
alishibe inshila iya lungama iya kupokelela u Mupashi wa  
Mushilo, eico wene ali bepwishe, “*Nga kanshi cinshi ico  
mwabatishilwemo?*” Nabo batile, “*Mu lubatisho lwa kwa  
Yohane.*” (Imilimo Ya Batumwa 19:3) Paulo amwene ukuti  
bene taba batishiwe ukulingana no ku konkomesha kwakwa  
Petro mu Imilimo Ya Batumwa 2:38, eico abebele uku  
batishiwa nakabili mwi Shina lakwa Shikulu Yesu. Elyo, nga  
*fintu* ca lailwe, bene ba pokelele u Mupashi wa Mushilo.







Eico, cinshi abasambi ba batishishe mwi Shina lyakwa Yesu libe Yesu, Umwine, abebele uku batisha mwi **Shina** (te “mashina”) lyakwa Tata, ne lya Mwana, ne lya Mupashi wa Mushilo? (Mat 28:19) Bushe bene bali pangile cilubo? Awe! Bene bacitilefye ifyo fine ngafintu ba fundilwe.

Ilyo mule soma ili lyashi, tontonkanyeni pe shina lyenu. Bushe imwe muli mwana? Bushe ishina lyenu, “Mwana”? Bushe imwe muli nyina? Bushe ishina lyenu ni, “Nyina”? Nakuba tefyo, ayo malumbofye. Imwe mwali kwata ishina lyenu ilineline, kabili efyaba na Lesa.

Ubwasuko ubu:

*Kabili takwaba icintu camusango nga uyo mu Baibele ngo muntu uuli onse uku batishiwa mwi shina lya kwa Tata, Mwana, Mupashi wa Mushilo; pantu takwaba icintu ca musango ngo yo. Tata te shina; kabili Mwana te shina; na Mupashi wa Mushilo te shina; lelo i Shina lyakwa Tata, Mwana, Mupashi wa Mushilo ni Shikulu Yesu Kristu.*

Yesu Kristu ni Lesa! Wene e Tata, u Mwana, na u Mupashi wa Mushilo.

Nga cakuti mule fwaya u Mupashi wa Mushilo kabili muleipusha cinshi cintu Shikulu talati aupelele kuli imwe, imwe kuti mwatemwa uku ipusha ilipusho limo line lintu Paulo aipwishe, “Nga kanshi cinshi ico mwa batishilwemo?”

## Ifyakuloshako

MATEO 28:19

*E ico kabiyeni, kalengeri aba nko shonse ukuba abasambi, mulebatishisha mwi shina lya kwa Tata, ne lya Mwana, ne lya Mupashi wa Mushilo: [Bushe ni lisa Ishina lya kwa Tata? Ishina lya Mwana? Ishina lya Mupashi wa Mushilo?]*

MARKO 16:16

*Uwatetekela no kubatishiwa akapusuka; lelo uushitetekela akasekwa.*

YOHANE 5:43

*Ine nashila mwi shina lya kwa Tata, naimwe ukunsekelela iyo: umbi nga aishila mwi shina lyakwe line, wene kuti mwamusekelela. [Ngacakuti A ishila mwi Shina lyakwa Wishi, lyene ni lisa i Shina Lyakwe?]*

YOHANE 10:30

*Ine na Tata tuli bamo.*

YOHANE 12:45

*Kabili uumona ine amona wantumine.*

YOHANE 14:8-9

*Filipi atile kuli wene, Mwe Shikulu, tulangeri Shinwe, nga kuti tupeme. Yesu atile kuli wene, Bushe Naba pamo na imwe inshita yakule fi, kabili tawanjishiba, Filipi? uwamona ine amona na Tata; nga cinshi ulesosela, auti Tulangeri Shinwe?*

YOHANE 20:27-28

*E lyo atile kuli Toma, Leta kuno umunwe obe, umone ne ndupi shandi; ne minwe yobe leta kuno, ubike namu lubafu lwandi: kabili wiba uushitetekela, lelo ube uutetekela. Toma alimwaswike ati, Mwe Shikulu wandi kabili Lesa wandi.*

IMILIMO YA BATUMWA 2:38-39

*Awe Petro atile kuli bene, Lapileni, no kubatishiwa onse uwa muli imwe mwi shina lyakwa Yesu Kristu ku kulekelelwe membu shenu, e lyo mukapokelele ca bupe Umupashi wa Mushilo. Pantu icalailwe cili kuli imwe, na ku bana benu, kabili kuli bonse aba kutali, kuli bonse abo Shikulu Lesa wesu aketa bese kuli wene.*

IMILIMO YA BATUMWA 4:12

*Ne pusukilo talili muli umbi nakalya: nangu lishina limbi takuli mwisamba lya muulu ilyapeelwa mu bantu, umo tuli no kupusukila.*

IMILIMO YA BATUMWA 8:12

*Lelo ilyo batetekele kuli Filipi uwalebile mbila nsuma iya bufumu bwa kwa Lesa, ne shina lya kwa Yesu Kristu, balebatishiwa, abauame na banakashu.*

IMILIMO YA BATUMWA 19:3-6

*E lyo atile, Nga kanshi cinshi ico mwabatishilwemo? Na bo batile, Mu lubatisho lwa kwa Yohane. Lelo Paulo atile, Yohane abatishishe ulubatisho lwa kulapila, pa kweba abantu, ukutetekela uyo uleisamukonkapo, e kutila, Kristu Yesu.*

*Awe pa kuumfwa, babatishiwe mwi shina lya kwa Shikulu Yesu.*

*Kabili Paulo ilyo abikapo iminwe, u Mupashi wa Mushilo waishile pali bene; kabili balalandila mu ndimi, no kusesema.*

ABENA EFESE 4:5

*Shikulu umo, ukutetekela kumo, ulubatisho lumo,*

ABENA KOLOSE 3:17

*Na conse ico mulecita atemwa mu kusosa atemwa mu kubomba, lekeni fyonse ficitilwe mwi shina lya kwa Shikulu Yesu, ukutootela Lesa kabili Tata muli wene.*

I YOHANE 5:7

*Pakuti kuli fitatu ifi shimika ubunte mu muulu, Tata, i Cebo, na Mupashi wa Mushilo: kabili aba batatu bali umo.*

# Umweo Panuma

YOHANE 5:28-29

MWISUNGUKA PALI ICI: PANTU INSHITA

ILEISA, IYO BONSE ABA MU NSHINSHI

BAKOMFWAMO ISHIWI LYAKWE,

NO KU FUMAMO; ABALECITE FISUMA,

BAKABUUKILA KU MWEO; NA BALEBOMBE

FIBI, BAKABUUKILA KU BUPINGUSHI.

Kuleisa ubushiku ilyo cila umo muli ifwe, cibe umwina Kristu nangu cimbi, akeshiba bwino icaba bushilya bwa cipembe ca nshita. Baibele yali laya Umweo wa Muyayaya kuli bamo, na kuli bambi, yene ya laya u kukandwa. Cila muntunse mu lyashi lyakale cinecine ali ipusha umwine, "Bushe cinshi cika citika kuli ine nga nafwa?"

Kale lintu takulaba Baibele ya kusoma, kasesema Yobo aloleshe ku bubumbo. Wene asosele palwe subilo lya muti, ifyo winga bungulwa no kufwa, lelo ku lyena lya menshi, waima wabwelela ku mweo noku puka. Yobo alishibe ukuti umuntu, ngo muti, akema ku mweo:

**Ngacakuti umuntu afwa, engaba no mweo kabili?** ninshi inshiku shonse sha kulwa kwandi kuti nalinda, kukasuke akwiso kupepemuka kwandi.

*Nga mwaita, na Ine nkasuka: nga mwafuluke cacitwa ku minwe yenu.*

*Pantu nomba amatampulo yandi mulapenda: no kukanacililo lubembu lwandi? (Yobo 14:14-16)*

Yobo limbi tatalile ku kwata Baibele ya kusoma, lelo wene alishibe ukuti Lesa ubushiku bumu aka mututubusha ukufuma ku cilindi ilyo u Mulubushi wa mutundu wa muntu akesa.

*Iye nga fyalembwe fyabo fyandi! iye nga fyalembwamo mwi buku!*

*Nga fyalembwa pa mutofwe ku kalembelo ka cela ukucekwa mu cilibwe icasansuka ifya kwikalila pe.*

*Lelo Ine naishibo kuti uwa kundubula ali no mweo, kabili akema kuntanshi pa lukungu:*

*Kabili ilyo yakuntwe nkanda yandi iyi nafuma na mu mubili wandi, **elyo nkamona Lesa:** (Yobo 19:23-26)*

Kasesema ale landa pali Shikulu Yesu no kututubuka kwa bantu Bakwe. Ukupitila mu busokololo Yobo alishibe ukuti nangu i mibili yesu inga pwililika, Yesu aka bwekeshapo umubili wesu. Kabili na menso yesu,

ifwe tuka mona Ukwisa Kwakwe. Bonse abantu bakwa Lesa bakabila uku mona bulya bushiku bwa bukata.

Nangu cibe, ngafintu fye cinecine Lesa eko aba, ciwa nao eko aba; ngafintu fye icinecine u Muulu eko waba, kumbo nako eko kwaba. Ifya ku londolola naticila pa fintu tungelenganya. Umutumwa Paulo asosele ukuti, *“Ifyo ilinso talyafimwene, no kutwi takwafyumfwile, na mu mutima wa muntunse ta fyaimininemo, fyonse ifyo Lesa apekanishisha aba mutemwa.”* (I Abena Kor. 2:9)

Amano yesu tekuti yomfwikishe ubukalamba bwa Muulu fintu bukaba, kabili tekuti yeshibe amalanda ya kumbo. Yesu atwebele ukuti kumbo kwalibipe cakuti kuti cawamapo ngacakuti twaputwile iciputulwa ca mubili wesu ukucila ukuya kuli ilya ncende yabipisha.

*Kabili ukuboko kobe nga kwakulengo kuipununa, kuputuleko: cisuma kuli iwe ukwingila mu mweo uwa makunkutu, ukucila ukuya kumbo, ku mulilo uushingashimiwa:* (Marko 9:43)

Eico nani akaya ku Muulu? Kabili nani akaya kumbo? Lyene litontonkanyo lya bulanda, lelo Yesu atile ukuti abantu abengi ta bakapokelele icilambu cintu Wene ali uwaiteyanya uku pela: *Ingileni pa mpongolo ya kamfyemfye: pa kuti impongolo yasalala, kabili inshila yapabuka, iitwala ku boni, kabili bengi abengilako: Lelo inshila iitwala ku mweo, yakamfyemfye, kabili yalifyenenkana, kabili banono abaisanga.* (Mat 7:13-14)

Yesu nao atile, ***“Te onse uutila kuli ine, Shikulu, Shikulu, akengila mu bufumu bwa ku muulu***

***iyoo; kano uucite cifwaya Tata wa mu muulu. Abengi muli bulya bushiku bakatila kuli ine, Shikulu, Shikulu, bushe tatwaseseme mwi shina lyenu? bushe tatwacitile ifya maka ifingi mwi shina lyenu? Kabili elyo nkasosa kuli bene, nkatila Ine sha mwishiba: fumeni apa, mwe bacita amampulu.”*** (Mat 7:21-23)

Pantu fye umuntu aitunga ubwina Kristu tacipilibula ukuti wene ali pusushiwa. Eico, ili elipusho lili mu matontonkanyo yesu: Bushe kuti Ine napokelela shani u Mweo wa Muyayaya? Yesu a tupele ubwasuko ubwa anguka nganshi: ***Ndemweba, cine, cine, Uuleumfwe cebo candi, no kutetekela uwantumine, aba no mweo wa muyayaya, kabili tesa mu bupingushi; lelo nafuma mu mfwa naingila mu mweo.*** (Yohane 5:24)

Iceshamo, kuli abantu abanono mwi sonde ilelo abali abafwaisha uku sendako inshita ku nshiku shabo isha pamfya ku kumfwa i Cebo cakwa Lesa. Kabili kuli na bacepelako a benga cetekela i Cebo ilyo bene ba cumfwa.

Inkuta shitweba ukuba umuntu musuma, tontonkanya mu kushininkisha, wila bepa, ukukanaba uwacetekelwa, nangu ukwiba, ninshi ifwe tukaya ku Muulu. Bene ta baishiba ukuti kumbo ku kesula abantu aba moneka ukwikala ubumi busuma. I cishinka cakuti ifwe tatwakaye ku Muulu pamulandu wa micitile yesu iisuma nangu pantu tuli ba membala wa lukuta lumo. Kwaba fye inshila imo ukuya ku Mweo wa Muyayaya,

neyo ukupitila muli Yesu Kristu. Wene a tusambilishe ukuti tufwile uku CETEKELA i Cebo Cakwe, icili ni Baibele. Nga teifyo, kuti twapusushiwa shani?

Ilyo ubushiku bwa bupingushi bukesa kuli iwe, bushe ukomfwa, *“Isa, we wapalwa uwakwa Tata, pyana ubufumu bwa teyanishiwe iwe ukufuma ku mufula we sonde,”* (Mat 25:34) atemwa ukomfwa, *“Fumeni pano, mwe batipwa, kabiyeni ku mulilo wa muyayaya, uwateyanishiwa kaseebanya na bamalaika bakwe”?* (Mat 25:41)

Ilyo amenso yenu yale soma pa mashiwi aya, imwe namukwata ukusala: Bushe muli noku sala uku cetekela i Cebo cakwa Lesa?

## Nikwi kuntu uke kala umuyayaya?

## Ifyakuloshako

YOBO 14:12-16

*Efyo umuntu asendama, no kwima iyo: imyulu ikasuke aibulapo, tabakashibuke iyo, nangu kubuuka mu tulo twabo.*

*Iye nga mwambika mwansungila kumbo, nga mwambelamika, kukasuke akupito bukali bwenu, nga mwambikile cipope, no kunjibukisha!*

*Umuntu uwafwa, nga engaba no mweo nakabili? ninshi inshiku shonse sha kulwa kwandi kuti Nalinda, kukasuke akwiso kupepemuka kwandi.*

*Nga mwaita, na Ine nayasuka: nga mwafuluke cacitwa ku minwe yenu.*

*Pantu nomba amatampulo yandi mulapenda: no kukanacitilo lubembu lwandi?*

YOBO 19:23-26

*Iye nga fyaalembe fyabo fyandi! iye nga fyaalemwamo mwi buku!*

*Nga fyaalemwa pa mutofwe ku kalembelo ka cela ukucekwa mu cilibwe icasansuka ifya kwikalila pe!*

*Lelo Ine naishibo kuti u wa kundubula ali no mweo, kabili akema ku ntanshi pa lukungu:*

*Kabili ilyo yakuntwe nkanda yandi iyi, nafuma na mu mubili wandi, elyo Nkamona Lesa:*

MATEO 7:21-23

*Te onse utitila kuli ine, Shikulu, Shikulu, akengila mu bufumu bwaku muulu iyo; kano uucite cifwaya Tata wa mu muulu.*

*Abengi muli bulya bushiku bakatila kuli ine, Shikulu, Shikulu, bushe tatwaseseme mwi shina lyenu? bushe tatwafumishe ifiwa mwi shina lyenu? bushe tatwacitile ifya maka ifingi mwi shina lyenu?*

*Kabili elyo Nkasosa kuli bene nkatila, Nshamwishiba nakalya: fumeni apa, mwe bacita amampulu.*

MATEO 22:14

*Pantu abaitwa bengi, lelo abasalwa banono.*

YOHANE 3:16-17

*Pantu Lesa atemenwe aba pano isonde, ukutemwa kwa kuti apeelee Umwana wakwe uwafyalwa eka, ukuti onse uumutetekela eonaika, lelo abeno mweo wa muyayaya.*

*Pantu Lesa tatumine Umwana wakwe ese pano isonde ku kupingula abapano isonde; lelo ukuti aba pano isonde bapusukile muli wene.*

YOHANE 5:24

*Icine, cine, Ndemweba nati, Ululeumfwe cebo candi, no kutetekela uwantumine, aba no mweo wa muyayaya, kabili tesa mubupingushi; lelo nafuma munfwa naingila mu mweo.*

I ABENA KORINTI 2:9

*Lelo filya calembwa aciti, Ifyo ilinso talyafimwene, no kutwi takwafyufwile, na mu mutima wa muntunse tafyaiminemo, fyonse ifyo Lesa apekanishisha abamutemwa.*

I ABENA TESALONIKA 4:13-18

*Lelo mwe bamunyinefwe, tatulefwaya imwe ukukanishiba, ulwa balaala utwa mfwa, ukuti mwiba na bulanda, filya baba nabambi abashaba na ku cetekela.*

*Pantu nga twatetekela ukuti Yesu alifwile kabili alibuukile, ifyo fine na balalila muli Yesu Lesa akabaletela pamo na nkwe.*

*Pantu tulemwebela ici mu cebo cakwa Shikulu, ica kuti ifwe fwe bamweo, fwe bashalapo ukufika ku kwisa kwakwa Shikulu, tatwakatangilile abalaala nakalya.*

*Ico Shikulu umwine akeka mumuulu no kubilikisha kukalamba, kwi shiwi lya mfumu-malaika kabili ku ntandala ya kwa Lesa: na bafwila muli Kristu bakabalilapo ukubuka:*

*Elyo ifwe fwe ba mweo fwe bashalapo tukulwilwa na bo capamo mu makumbi ku kukumanya Shikulu mu hwelele: kabili efyo tukaba pe pamo na Shikulu.*

*E ico koseleshanyeni muli ifi fyabo.*

# ULUBEMBU LWAPA KUBALA

## Ulubembu Lwapa Kubala

### UKUTENDEKA 3:1

NOMBA INSOKA YABE NCENJESHI  
IYA CILAMO MU FYA MWEO FYONSE  
IFYA MPANGA IFYO YEHOBA  
LESA ACITILE. NA YO AITI KU  
MWANAKASHI, KABILI, LESA  
ASOSELE ATI, MWILALYAKO KU  
MUTI ONSE WA MWI BALA MWA?

### UKUTENDEKA 3:6-7

AWE UMWANAKASHI PA KUMONA UYO MUTI UKUTI UUSUMA  
KU KULYA, KABILI WAWAMA KU KUMONA, KABILI MUTI WA  
KUTEMWIKWA KU KULENGO KUSHILIMUKA, ABUULAKO KU CISABO  
CA UKO, NO KULYA, KABILI APAKO NA KU MULUME WAKWE PAMO  
NANKWE; NA O ALYA.

ELOYO YASHIBULWA AMENSO YA BONSE BABILI, KABILI BAISHIBO KUTI  
BALI UBWAMBA; AWE BA BILANYA AMABUULA YA MUKUNYU, NO  
KUICITILE FYA KUKAKA MU MUSANA.

### UKUTENDEKA 3:14-15

EICO YEHOBA LESA ATI KU NSOKA, PANTU WACITE CI, WATIPWA  
NIWE PA FITEKWA FYONSE, KABILI PA FYA MWEO FYONSE IFYA  
MPANGA; WAKULAENDELA PE FUMO LYOBE, NO KULALYO LUKUNGU  
INSHIKU SHONSE SHA MWEO OBE:

NDEBIKA NO BULWANI PA KATI KA IWE NO MWANAKASHI, KABILI  
PA KATI KA BUFYASHI BOBE NO BUFYASHI BWAKWE; BWENE  
BWAKULAKULASA KU MUTWE, NOBE WAKULABULASA KU CITENDE.

Ulu e lubembu lwa kubalilapo ulwa lembwa mu Baibele. Ica cenjelesha nganshi pa fiswango fyonse, i nsoka, “ya bepele” Efa ku kulya icipimfya ca cisabo cabindwa. Wene aciliile no kucipela ku mulume wakwe, icalengele bene ukwiluka ukuti bali ubwamba.

Amepusho ya mupepi ni aya: Bushe kuti insoka yalanda shani? Cinshi cintu ili apo likwete icakucita no kubo bwamba? Kabili, nipi pantu ulubuto lwa nsoka lwa lingamo muli fyonse ifi?

Baibele isosa ukuti insoka yali “incenjeshi” iyacilamo pa fiswango fyonse. Yene yalifye kwati muntunse, icakuti yale enda, uku sosa, kabili no ku kwatafyeye ilyashi ilya mano. Panuma ya kubepa umukashi wakwa Adamu, Lesa ai tipile ukuba insoka, lelo cali panuma ya bonaushi ukucitwa no lubuto nalu byalwa.

Baibele mu Ukutendeka 3:15 isosa ukuti insoka yali no lubuto, kabili Lesa abikile *ubulwani* pakati ka mbuto shibili. Mucine, ulubuto lwa nsoka lwa kumene pamo no lubuto lwakwa Efa ulwa mu mubili lintu tapalaba ukupatulwa. Bushe



fyonse ifyo kuti fyaba shani ifya kutula mu kulya kwe apo? Lyene, ama vesi yanono panuma, “*Adamu ainike ishina lya mukashi wakwe Efa; pantu wene ali ninyina wa ba mweo bonse.*” Moneni ukuti tailitila Adamu aali shibo waba mweo bonse.

Kwaba “ifisabo” ifya lekana lekana mu Baibele. Na kuba, kwaba icine cisabo, nge apo, ici mena kabili cibomfiwa ku cakulya. Kwaba kabili i cisabo ici losha ku milimo yesu, cibe ku milimo yaku mubili ifili ngo kulima na makwebo, nangu imilimo yaku mupashi iili ngo kucite fisungusho no kushimikila Imbila nsuma. Elyo, kwaliba icisabo ca mwi fumo, icile lola ku kwimita no bufyashi.

Bushe ukulya kwa cisabo kuti kwapela Adamu na Efa ukwishiba ukuti bene bali ubwamba? Nangu, kuti caba kwampana kwa mu mubili pakati ka mwaume no mwanakashi pakuti bene bengeshiba umulandu bene bafwile ukufimba ifiputulwa fimo ifya mibili yabo?

Cinshi icinecine cacitike bulya bushiku mwi Bala ku kulenga bonse ubuntunse ukuwa?

*Ngafintu u Lubuto lwa mwanakashi lwali ni Lesa Umwine uku ifyasha mu mubili wa buntunse, eico ulubuto lwa nsoka e nshila ine fye intu Satana asangile umwine iyaku iiswila inshila ukwingila mu mutundu wa muntu. Cali icishingacitwa kuli Satana (pakuti wene alifye umupashi u wa LENGWA) uku ifyasha umwine mu nshila intu Lesa aifyashishemo Umwine, eico ilyashi lyamu Ukutendeka*

*lilanda ifyo wene akwete ulubuto lwakwe noku lwingisha nangu umwine ukwingila mu mutundu wa muntu. Elyo ibukisheni ukuti Satana etwa “insoka.” Lwene lubuto lwakwe nangu ukwingila mu mutundu wa muntu ifwe tulelandapo.*

*Adamu talati ku kumana na Efa, insoka yakwete yalya mano uku mutangilila. Kabili uyo uwa fyelwe kuli co ali ni Kaini. Kaini ali wa (ukufyalwa ku, umwana wa) ulya “Umo Umubifi,” I Yohane 3:12.*

*...I cishinka ca mulandu ca kuti Efa akwete mwifumo lyakwe BABILI abanabaume (bampundu) ukufuma ku kwimita ukwa LEKANA. Wene aimite ba mpundu, no kwimita kwa kwa Kaini inshita imo ukwa bangilile pali kulya ukwa kwa Abele.*

## Ifyakuloshako

### UKUTENDEKA 3:6-7

Awe *umwanakashi* pa kumona uyo muti ukuti uusuma ku kulya kabili wawama ku kumona, kabili muti wa kutemwikwa ku kulengo kushilimuka, abuulako ku cisabo ca uko no kulya, kabili apako na ku mulume wakwe pamo nankwe; na o alya.

Elyo yashibulwa amenso ya bonse babili, **kabili baishibo kuti bali ubwamba**; awe ba bilanya amabuula ya mukunyu no kuicitile fya kukaka mu musana.

[Kuti baishiba shani ukuti bali ubwamba ku kulya icipimfya ca cisabo?]

### UKUTENDEKA 3:13-15

Elyo YEHOPA Lesa ati ku *mwanakashi*, Cinshi ico ucitile? No *mwanakashi* ati, **I nsoka eya mbeleleka**, na ine nalya.

Eico YEHOPA Lesa ati ku *nsoka*, pantu wacite ci, watipwa niwe pa fitekwa fyonse, kabili pa fya mweo fyonse ifya mpanga; wakulaendela pe fumo lyobe, no kulalyo lukungu inshiku shonse sha mweo obe:

**Kabili Ndebika no bulwani pa kati ka iwe no mwanakashi**, kabili **pa kati ka bufyashi bobe no bufyashi bwakwe**; bwene bwakulakulasa ku mutwe, nobewakulabulasa ku citende.

[I nsoka yali no lubuto. Ukuba ici ta cilelosa ku nsoka.]

### UKUTENDEKA 3:20

**Kabili Adamu ainike ishina lya mukashi wakwe Efa; pantu wene ali ni nyina wa ba mweo bonse.**

[Cinshi cintu Adamu tainikilwe ukuba wishi wa ba mweo bonse?]

### UKUTENDEKA 4:1-2

Nomba Adamu aishibe Efa umukashi wakwe; na o aimita, afyala na Kaini, no kutila, **nimpokelelo mwaume kuli YEHOPA.**

Elyo abwekeshopo ukufyala munyina Abele. Na o Abele ali ni kacema wa mpaanga, na Kaini ali mulimi wa mushili.

[Umweo onse ufuma kuli Lesa, cibe ukwimita takuli munshila yalungama nangu kube munshila yalungama. Satana tekuti alenge umweo.]

### LUKA 3:38

Mwana Enoshi, mwana **Sete**, **mwana Adamu**, mwana Lesa.

[Nipi pali ibeli Kaini mu citoto ca kwa Adamu?]

### I YOHANE 3:12

Te kuti tube nga **Kaini**, **uwali wa mubifi**, kabili aipeye munyina. Nga kanshi cinshi ico a mwipaile? Ico imilimo yakwe yali ya bubifi, ne ya kwa munyina iyalungama.

[Lesa alengele Adamu mu cimonwa Cakwe. Nga ububifi bwakwa Kaini bwafumine kwi, kabili ubulungami bwa kwa Abele bwafumine kwi? Imibele yabo yapyenwe ukufuma kuli ba shibo.]

### YUDA 1:14

Awe ni aba ebo asesemene Enoke, **uwalenga cinelubali ukutula pali Adamu**, ilyo atile, moneni, Shikulu aleisa na makana ikumi ya bamushilo bakwe,

[Tapaba nangu pamo mu Baibele apo Kaini asangwa mu bufyashi bwa kwa Adamu.]



# U Bushiku Bwa Kutiinya Ubwakwa Shikulu

MALAKI 4:1

PANTU, MONENI, UBUSHIKU

BULEISA, UBULEPYA NGE BUKU . . .


MALAKI 4:5-6

MONENI, NKATUMA KULI IMWE ELIYA KASESEMA KU KUTANGILILO KWISA KWA BUSHIKU BWAKWA YEHOBA UBUKULU KABILI UBWA KUTIINYA:

NA O AKABWESESHE MITIMA YA BASHIBO PA BANA, NE MITIMA YA BANA PALI BASHIBO, EPALI NAISAUME CALO KU CITIIPU.

I Buku Iya kulekelesha Ilya mu Cipangano Cakale Iya Iya ukonaulwa kwe sonde. Lelo intanshi impela tailati, Eliya kasesema asesemwe uku bwela no kwisa langa Mesia. Bamo batila Yohane Kabatisha afikilishe ubu busesemo.

Imyaka amakana yabili yapitapo, aba Yuda bale lolela Mesia ukwisa. Bene balishibe ukuti Malaki aseseme u mwaume no mupashi wakwa Eliya ali no kwisa langa Mesia kuli bene. Lelo ilintu Yohane Kabatisha aishile, wene tali nga fintu bene bale lolela Eliya ukuba. Ilintu ba ipwishe Yesu pa mulandunshi Eliya tabalilepo ukwisa, Wene abebele apabuta ukuti Yohane ali e kufikilisha kwa bulya busesemo *“Kabili nga mulefwaya ukucumfwa, wene e Elyasi, uo baatile akesa.”* (Elyasi e mu ci Hela Iye shina Eliya, mu ci Hebere.)





Califye libumba lya bantu ilinono ilya pokelele ubu busokololo. Ku shingi intungulushi shi kapepa, Yohane tacilile pa muntu uwapimpa kasusha wa tubungwe twabo. Te kukana ishiba fye u mupashi wakwa Eliya, lelo icabipileko, bene kabili ba pushile Ukwisa kwakwa Kristu.

### **Eico bushe Yohane Kabatisha ali fikilishe ubusesemo bwakwa Malaki? Te kupwililika.**

Icakubalilapo, i sonde talilati “kupya nge buku,” eico ifwe natwishiba ukuti nakuba kucili iciputulwa ca Malaki 4 icifwile uku citika. Cimbi iciputulwa ca Malembo ici sha fikilishiwe na Yohane cali, “kwalwila i mitima ya bana kuli bashibo.” Kabili, Yesu, Umwine, aseseme ukuti Eliya ali no (kuntanshi) kwisa no kubwekeshapo ifintu fyonse. (Mat 17:11)

### **Eico ifwe tufwile ukula fwailisha Eliya intanshi ya Kwisa kwa Cibili ukwa kwa Kristu!**

Nomba, muli ino nshita ipya, ni nshita ya Kwisa Kwa cibili ukwa kwa Shikulu Yesu. Nakabili, ifwe twali lailwe ukuti u mupashi wakwa Eliya uka langa Wene kuli ifwe ukulingana na Malaki 4. Lelo libumba nshi ilya bantu ili keshiba Eliya ilyo a kesa? Ni abofye aba Mu lolela.

Aya Mashiwi yakwa Shikulu kabili Umupusushi wesu yalesa ku mano yesu lintu twa tontonakanya pa busesemo bwakwa Malaki ku nsa shakwisala isha nshita:

**Lelo Ndemwaba, Nati Eliya aliisa kale, kabili tabamwishibe...**

Mateo 17:12



Nga cakuti ifwe twapusa uku kwisa kwakwa Eliya? Bushe ifwe lyene tukapusa Ukwisa kwa Cibili ukwa kwa Kristu, nga fintu bakalemba na ba Farise bapushile Ukwisa Kwakwe ukwa Kubalilapo pantu bene taba ishipe Yohane Kabatisha?



## Ifyakuloshako

II ISHAMFUMU 2:15

*Aba bwina kasesema aba ku Yeriko abali pa mulola balimumwene, no kutila, **U mupashi wa kwa Eliya nauwa pali Elisha.** Awe baishile ku kumukumanya, no kutootela kuli wene panshi.*

ESAYA 40:3-4

*Umfweni kuli uulebila, aleti, Kungwileni YEHOBA inshila mu matololo, tambalikileni Lesa wesu cinkwete mu ciswebebe.*

*Umukonko onse ulundumikwe, ulupili lonse na kapili fibatamikwe: apasumbuka pabe apatambalala, apalundumana pabe apabatama: [Yohane Kabatisha]*

MALAKI 3:1

*Moneni, Nkatume nkombe yandi [Yohane Kabatisha], **ku kukungule nshila ku ntanshi yandi:** kabili Shikulu, untu mufwaya, akesa no kupumikisha kwi tempele lyakwe, Inkombe ya cipingo, intu imwe mubekelwa: moneni, ileisa, e fyo YEHOBA wa milalo asosa.*

MALAKI 4:1-6

*Pantu, **moneni, ubushiku buleisa, ubulepya nge buku** [tacilati cicitike]; kabili bonse aba miya, ee, na bonse aba cito bubifi, bakabe fisoso; no bushiku buleisa bukababilimya, e fyo YEHOBA wa milalo asosa, pa kuti tabwakabashiile umushila nangu musambo.*

*Lelo kakatulila imwe mwe batiine shina lyandi Akasuba ka bulungami akali no kuundapa mu mapindo ya kako; na imwe mukafuma no kupontauka nga bana ba ngombe abafumo mwa kukakilwa.*

*Kabili mukanyantaula ababifi; pantu bakabe mito mwi samba lya nyantilo sha makasa yenu mu bushiku umo Nkacita, e fyo YEHOBA wa milalo asosa.*

*Ibukisheni amalango yakwa Mose umubomfi wandi, ayo Namwebele mu Horebu aya pali Israere onse, ifipope ne fya bupingushi.*

*Moneni, Nkatuma kuli imwe Eliya kasesema ku kutangililo kwisa kwa bushiku bwa kwa YEHOBA ubukulu kabili ubwa kutiinya:*

*Na o **akabwesesho mitima ya bashibo pa bana** [Yohane Kabatisha], ne **mitima ya bana pali bashibo** [Eliya wa ino nshita], epali naisaume calo ku citiipu.*

MATEO 11:10

***Ulya e walembeelwe, ukuti, Mona, Ndekutangishishe nkombe yandi, intu ikakuwamishishe nshila ku ntanshi yobe.** [Malaki 3:1, Yohane Kabatisha]*

MATEO 11:14

***Kabili, nga mulefwayo kucumfwa, wene e Eliya uo batile akesa.** [Yohane Kabatisha]*

MATEO 17:11-12

*Na Yesu alyaswike noku sosa kuli bene, **Kwena Elyasi aleisa, nokubweseshamo fyonse.** [Eliya wa nomba]*

***Lelo ndemweba, Nati Eliya aliisa, kabili tabamwishibe, lelo bamucitile conse ico bafwaile.** [Yohane Kabatisha] **Efyo no Mwana wa muntu alaswa acule kuli bene.***

LUKA 1:17

*Kabili wene akatangilila mu mupashi na maka ifya kwa Eliya, ku kupilibwile mitima ya bashibo ku bana, no ku pilibwila bacintomfwa ku kushilimuka kwa kulungama; ku kupekanishisha Shikulu abantu abateyanishiwa. [Yohane Kabatisha]*

# I Cebo

# CEBO

**ABAHEBERE 4:12**

PANTU I CEBO CA KWA LESA  
CA MWEO, KABILI CALILUMA,  
NO KUTWO KUCILO LUPANGA  
LONSE ULWATWILA KUBILI  
KUBILI, KABILI CILATULA NA  
KU KULEKANYO MUTIMA NO  
MUPASHI, NE MFYUMFYU NO  
BUFYOMPO, CILINGULULA  
AMATONTONKANYO NA MAPANGE  
YA MUTIMA.

Ku kufula kwa masambilisho, ifilonganino, ne mipepele ya tulubi muli ili sonde lipya, nipi pantu uwa cetekela alinga mo? Nga cakuti Petro, Yakobo, na Yohane bali panwe sonde ilelo, cilonganino nshi bene benga ilundako? Bushe ifisungusho kuti fyakonka ubu pyungishi bwabo nangu kuti basosa ukuti isho nshiku shalipita kale? Bushe bene kuti basumininisha pa lubatisho? Bushe kuti bene bakonka isambilisho lya lukuta lwabo nangu lube panono kunse ya Cebo? Bushe bene kuti ba cetekela Baibele, nangu bushe bene kuti ba cetekela aba Farise na ba Saduke balelo?

Ipusheni mwebene ili lipusho: Nga cakuti Yesu Kristu ali pano ilelo, bushe kuti mwasuula fyonse no ku konkwa Wene? Bushe kuti mwa cetekela i Cebo Cakwe?

Wene na mupela ishuko limo line lintu Wene aapele ku basambi Bakwe. Wene acibika aka kabuku mu minwe yenu uku mulanga ukubwelela ku Cebo Cakwe, Baibele Yakwe. Bushe mukasuminishanya na fimbi?

*Mwe baume na banakashi, mwe fibusa, bushe namwishiba Lesa waku Muulu uwa imishe Kristu Yesu ukufuma ku bafwa, Wene taafwa lelo Wa mweo. Kabili ngacakuti Wene asungile i Cebo Cakwe kuli Dabidi, nga cakuti A ci sungile kuli Eliya, ngacakuti A ci sungile kuli Mose, nga cakuti A cisungile ku bana ba ci Hebere, nga cakuti A cisungile kuli—kuli Daniele, Wene ali no ku cisunga kuli iwe na Ine.*



**BUSHE IWE KUTI WATEMWA  
UKWISHIBILAPO NAFIMBI?**

[www.imbila.net](http://www.imbila.net)

nangu

VOICE OF GOD RECORDINGS  
ZAMBIA OFFICE  
PO Box 36921  
LUSAKA, ZAMBIA



# I CANKAMA CAKWA LESA

UKUSOKOLOLA 10:7

[www.imbila.net](http://www.imbila.net)

VOICE OF GOD RECORDINGS  
ZAMBIA OFFICE  
PO BOX 36921  
LUSAKA, ZAMBIA

BEMBA